

16.

1376 September 14

Hans Sperling verkauft einen Acker.

fol. 3v Wisset das Hannes Sperling hat vorkauft Hennel Slemmer eyn stucke ackers, daz do hindir Osterwin gelegin ist, czu eyme rechten erbe, der von der stat czu lehen get, und hat ym den vor uns uf gelasen mitt guten willen. An des heiligen cruce tage alz^{a)} es erhohet wart. Actum anno domini M^o CCC^o LXXVI^o.

a) folgt durchgestrichen: her

17.

1385 Februar 25

Der Rat verpachtet die Ziegelhütte.

fol. 3v ^(a)Wisset daz wir mit rate unser eldesten nach Christi geburd tusinth und dryhundert jares in dem fuff und achczigsten ame sunnabinde reminiscere, das waz der andere tag nach Mathie apostoli, habe wir Bartholomesen Cziglern gelazin von dem egnaten tag ubir vier jar dy czigelhutte, daz er der getrwelich sol vursten und sol den mwerer czigel gebin in dy stad^{b)} daz tusent umbe 15 gr, us der stad, wy er tuwer er mag. Ouch sol er dy lode nicht mynner machen, wenne wir ym nu dy hutte gevertigen ey mal von erst an dornach in den vier jaren. Waz gebrechens dor an wurde, daz sol er selbens wandeln. Ouch wolle wir ym dy vier jare iczlich jar besundern gebin 30 gr czu stüre, das er deste waz czu kome 15 gr uff senth Mertins tage, 15 uff ostern. Wurde er krank adir wi daz queme, das er von notingen nicht^{c)} gearbeiten mochte, so sol es an dem rat ligen, waz man ym gebin sulle. Actum anno et die quinbus supra. Coram Johannis Frauenreud et suos consides.

a) alles durchgestrichen b) folgt durchgestrichen vr c) folgt durchgestrichen geantw

18.

1392 November 12

Der Rat verpachtet die Ziegelhütte.

fol. 3v ^(a)Wisset daz wir Bartholomio Cigeloren dy cigelhutten gelazin habin ^(b)vier jare^{b)} in aller formen, alz vorgeschr(ieben) stet, und hat gelobt, er wolle weder cigel nach kalch an der stad lande vorkaufen. Actum M^o CCC XCII^o